



Kaali Olsen (IA)
/HER

**§ 37-imut akissuteqaat qimagaasut qanigisat sulisunut inissiamut pisinnaati-
taaffii pillugit.**

Qujanaq apeqqtinnut, taanna matumuuna akissuteqarfigneqassaaq.

**Namminersorlutik Oqartussani atorfirminnut atatillugu ineqartitaasut toquneran-
ni aappaasut ilaqutaasullu allat qanoq ineqartitaanikkut pisinnaatitaaffeqarpat?**

AKISSUT:

Atuisinnaatitaanerup allanut nuunneqartarnerani sammineqartuq kapitel 9-mi iluarsii-
vigineqarpoq, Ininik attartorneq pillugu Inatsisartut peqqussutaanni nr. 2, 12. maj 2005-
imeersumi.

§ 60-imi aalajangersakkakut aapparisaq qimataasup qanigisap imaluunniit inooqatigisi-
masap pisinnaatitaaffia iluarsiivigineqarpoq toqusimasup attartortugaanik nangitsiinnar-
nissamut aamma tigusisinnaatitaanerup.

§ 60, imm. 2-imi aalajangersakkap kinguneraa, aapparisaq pisinnaatitaaffeqartuq inissi-
amut attartortutut innersuunneqarsinnaanissamut, sulisunut inissiaq pineqarsimatillugu,
attartortup pisortanit sulisitsisumini atorfeqarnini aqutugalugu innersuunneqarfigisima-
saanut.

Innersuunneqarnissamulli piunnaasaqaaq, aapparisaq nammineq pisortanit sulisi-
tsisumini atorfeqarnini aqutugalugu sulisunut inissamik innersuunneqarnissamut pisin-
naatitaaffeqannginnissaa, aamma attartortuq imaluunniit aapparisaq initaarnissamut
nalinginnaasumik utaqqisut allattorsimaffiannut allatsisimasuunissaa. Taamatut nali-
nginnaasumik inissiamut utaqqisut allattorsimaffiannut allatsisimanissap kinguneraa,
attartortup, aapparisaq imaluunniit inooqatigisap qimataasup soqutiginninnermik takuti-
tsisimanissaa, pisortat aqutugalugit imminut inissamik pilersorsinnaanissaminut,
piffissami sulisunut inissiaq qimanneqartussanngorpat.

Malittarisassaq taamatulli atuutsinneqassaaq, attartortuq angerlarsimaffimmut paaqqin-
nittarfiusumut assigisaanulluunniit nuuppat.

Aalajangersagaq katissimalluni aappariinnertut assigusumi inooqatigiinnermut imaluun-
niit ataatsimoorussamik qitornaqarluni pisunut taamaallaat atuutinngilaq. Aalajangersa-
gaq aamma imatut pisuni atuuppoq, tassani assersuutigalugu qatanngutigiit imaluunniit
meeqqat angajoqqaajusullu najugaqaaqatigiillutik, imaluunniit ataatsimoorusamik najuga-
qartoqarluni, naak najugaqartut akornanni ilaqutarittoqanngikkaluortoq.

§ 63, imm. 2-mi takuneqarsinnaavoq, § 60, imm. 2-imi aalajangersagaq atuutinngitsoq,
inissiaq sulisunut inissiaappat, atorfirmut aalajangersimasumut inniminnerneqarsima-
soq. Taarsiullugu inissiamut allamut innersuussisoqarsinnaavoq, § 5, imm. 1, no. 4
naapertorlugu, nalinginnaasumik utaqqisut allattorsimaffimmiilinginnermi.

Apeqqtinnut tunngavilersuutinni kissaatigaat annertunerusumik nalunaarutigineqassa-
soq oqartussaaffimmi Naalakkersuisunit pitsanngorsaanerit suut isiginiarsinnaaneraat.

07-09-2012
Sags nr. 2011-048571
Dok. nr. 987488

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.nanoq.gl

Naalackersuisut nalinginnaasumik ima isumaqarput, sulisunut inissiaqartitsisarnermik aaqqissuussineq – piffissap sivilunerup ingerlanerani – atorunnaarsinneqarnissaa, aaqqissuussinermi pissusissamisoortuunngimmat, suliffeqarnermik kipusoortitsisarmat aammalu sulisumit maannakkut atorfigisaminut sulisitsisorisaminullu qimariataarsinnaanagit pituttuisartuummat. Tamatuma saniatigut assersuutigalugit piffissamut sivikitsumut atorfinitsinneqartut aamma akunnermusiallit sulisunut inissiaqartinneqartanngillat.

Ukiut kingullit ingerlanerini aamma Namminersorlutik Oqartussanit malunnartumik illoqarfimmit nutarterineq ingerlanneqarsimavoq. Taamaasiornikkut inuttaaqativut arlallit periarfissinneqarput “namminneq illuminni naalaganngornissamut” taamalu namminneq inissamik pilersornissamut akisussaaffimmik tigusinissamut sulisunut inissamit imaluunniit pisortanit inimit attartortakkamit pinngitsuuisinnaanermut taarsiullugu.

Nalinginnaasumik Naalackersuisut isumaqarput inuiaqatigiit siamasissunik inissatigut neqeroorfigineqarsimassasut innuttaaqataasutsinnit tamanit isumaginnissinnaasunik. Tamanna aamma aappanut qanigisanullu allanut qimataasunut atuuppoq pisortat inissiaataanni sulisunut inissamut tunngatillugu. Taamatuttaarli pingaartigaaq attartortut sulisunut inissiami najugaqartut ilisimaarinissaat, taamaallaat atorfeqarnertik aqquutigalugu ineqarnertik, taannalu taamaatippat, taava inissiaq qimattariaqaraat.

Inussiarnersumik inuulluaqqusillunga

Maliina Abelsen